



Pou Piblikasyon Imedya: 06/12/2021

GOUVÈNÈ KATHY HOCHUL

## GOUVÈNÈ HOCHUL ANONSE YO TE DETEKTE KAT KA ANPLIS KI KONFIME NAN VARYAN OMICRON COVID-19 LA NAN ETA NEW YORK POU YON TOTAL 12 KA YO KONNEN

*Fè Nouyòkè yo sonje pou vaksinen, pran dòz siplemantè a epi mete yon mask*

*Mizajou sou Omicron an alavni ap enkli nan kominike pou laprès chak jou  
Gouvènè a sou dènye nouvèl sou COVID-19 la*

Jodi a, Gouvènè Kathy Hochul te anonse deteksyon kat ka konfime anplis pou premye varyan Omicron COVID-19 la nan Eta New York pou yon total 12 ka konfime. Ka yo te konfime atravè sekans virus SARS-CoV-2 a pa Sant Wadsworth, Depatman Sante (Department of Health) Eta New York. De nan novo ka yo soti nan Konte Suffolk epi de soti nan Konte Oneida.

"Yo fèk idantifye de lòt ka varyan Omicron COVID-19 la nan Eta New York. Ak novo varyan k ap sikile a, pi bon fason pou rete an sekirite epi prevni maladi grav sezón fèt sa se vaksinen oswa pran yon dòz siplemantè," **Gouvènè Hochul te deklare.** "Ak plis zanmi ak fanmi k ap reyini andedan nan moman sa nan ane a, nou gen zouti pou pwoteje tèt ou ak pwòch ou lè ou vaksinen, epi ankouraje lòt moun pou pran vaksen an, epi mete mask. N ap kontinye travay ak lidè lokal yo pou bay dènye mizajou yo epi asire ke yo gen sa yo bezwen pou ede prevni pwopagasyon virus mòtèl sa."

Byenke okenn nan ka sa yo pa gen rapò ak konvansyon resan Anime a nan Javits Center, Depatman an toujou ankouraje tout moun ki te patisipe pou teste pou COVID-19.

**Komisè Sante pa Enterim nan Doktè Mary T. Bassett, te deklare,** "Pandan ekspè sante publik yo toujou ap aprann plis sou novo varyan sa, nou kontinye ankouraje tout Nouyòkè pran prekosyon kont COVID-19 la. Vaksinen, pran yon dòz siplemantè si ou te deja vaksinen, epi kontinye mete mask ou."

Apati madi 7 desanm, tout mizajou sou Omicron an ap enkli nan kominike pou laprès chak jou Gouvènè a sou dènye nouvèl pwogrè COVID-19 la.

Laboratwa Sant Wadsworth (Wadsworth Center Laboratory) Depatman Sante (Department of Health, DOH) Eta New York la ap kontinye kontwole aktivman

echantyon virus COVID-19 yo chwazi nan tout Eta a pou konpare sekans yo epi idantifye varyant k ap sikile ak novo varyan Omicron yo.

Depatman an kontwole tou tout done yo soumèt nan baz done sekans piblik yo pa lòt laboratwa sekans nan tout Eta New York ak atravè Etazini, k ap kontribye a yon pwogram siveyans solid epi kolaboratif pou analiz varyan an. Sant Wadsworth la ap chèche aktyèlman sekans espesimenn virus COVID-19 ak yon kapasite jiska apeprè 100 pa jou. Yo chwazi espesimenn yo owaza toupatou nan eta a pou bay siveyans atravè tout lokasyon jewografik yo epi done yo analize nan tout sekans virus la. Analiz la enkli evalyasyon mitasyon ki endike varyan enkyetid ak varyan enterè a.

Lòt laboratwa nan Eta New York ap fè menm travay la. Rezulta sa yo ki soti nan Wadsworth ak lòt laboratwa telechaje nan baz done piblik yo, [prensipalman GISaid](#). Nan baz done sa, done sekans ki soti nan tout kontribitè yo ka telechaje epi analize pou yon imaj tandans virus la ki pi konplè atravè eta a epi distribisyon varyan ki soti nan analiz sa yo rezime toutotan tan ap pase. Eta a te rann done sa yo disponib pou tout Nouyòkè sou [Paj Varyan COVID-19](#) yo a.

###

Lòt nouvèl disponib sou sit [www.governor.ny.gov](http://www.governor.ny.gov)  
Eta New York | Cham Egzekitif | [press.office@exec.ny.gov](mailto:press.office@exec.ny.gov) | 518.474.8418